

II - ARABAKO LURRALDE HISTORIKOAREN TOKI ADMINISTRAZIOA

ASPARRENEKO UDALA

Dirulaguntzen deialdia, 2023ko programa eta jardueretarako

Asparreneko udalbatzak 2023ko urtarrilaren 12an egindako ohiko bilkuran hartutako erabaki baten bidez onetsi ziren deialdiaren oinarriak udal honek 2023an dirulaguntzak emateko, programa eta jardueretarako.

Bat etorri Dirulaguntzen Lege Orokorrek 9. artikuluan xedatutakoarekin, argitaratu egiten dira oinarri horiek, denek jakin dezaten eta interesdunek eskaerak aurkez ditzaten.

Deialdiaren oinarriak, Asparreneko udalak 2023an dirulaguntzak eta laguntzak emateko

Deialdi honen xedea da dirulaguntzak ematea, lehiaketa bidez, honako arlo hauetan ekimenak, programak eta jarduerak gauzatzen laguntzeko udalerrian: gizarte eta kultura, hezkuntza, musika, kirola, lankidetzeta, ingurumena eta inbertsio soziokulturalak eskuratzea, betiere udalaren jardura osatuz, honela gauzatzen badira:

1. Asparreneko udalerrian gizarte eta kultura, hezkuntza, musika eta ingurumen programak eta jarduerak garatzeko dirulaguntzak.
2. Dirulaguntzak Asparreneko udalerrian kirol programak eta jarduerak garatzeko.
3. Dirulaguntzak Asparreneko udalerrian egoitza duten elkarteek gizarte eta kultura inbertsioak eta/edo ekipamendua erosteko.
4. Dirulaguntzak kanpo lankidetzako programak edo jarduerak garatzeko.

Deialdiaren arauak dira: oinarri hauek eta dagokien udal ordenantza, Dirulaguntzen azaroaren 17ko 38/2003 Lege Orokorra, uztailaren 21eko 887/2006 Errege Dekretua eta Asparreneko Udalaren dirulaguntzen plan estrategikoa.

Oinarri hauek aipatzen dituzten dirulaguntzak printzipio hauen arabera kudeatuko dira: publikitate, gardentasuna, norgehiagoka, objektibotasuna, berdintasuna eta diskriminaziorik eza, eta, orobat, efikazia, helburuak lortzeko orduan, eta efizientzia, baliabide publikoak esleitu eta erabiltzeko orduan.

1. artikulua. Deialdiaren helburua eta xedea

Oinarri hauek arautzen dituzten dirulaguntzek honako laguntza lerro hauekin zerikusia duten proiektuak eta jarduerak sustatzea dute helburu:

1. Gizarte eta kultura, hezkuntza, musika eta ingurumena sustatzeko programak eta/edo jarduerak:

- Arte prestakuntza eta sormena.
- Herriko talde artistiko amateurak laguntzea.
- Herritarrek parte hartzeko kultura jarduerak.
- Kultura zabalkundea: hitzaldiak, monografikoak, erakusketak...
- Bisita kulturalak.
- Emakumeen eta gizonen aukera berdintasuna.

- Genero indarkeriari aurrea hartzea.
- Gizarteratu eta kultura arteko elkarbizitza sustatzea.
- Gizartetik bazter geratzeko arriskua duten pertsonak gizarteratu eta horien partaidetza sustatzea.

- Adinekoak.
- Umeentzako eta/edo gazteentzako hezkuntza, eta aisia eta astialdia sustatu eta kudeatzea.
- Mendekotasunak prebenitzea.
- Hezkuntza, osasunerako eta ohitura osasungarriak sustatzeko.
- Etengabeko prestakuntza eta boluntarioria sustatzea.
- Sentsibilizazioaren ingurukoak: ingurumena...

2. Kirola sustatzeko programak eta/edo jarduerak:

- Kirol jarduerak.
- Kirol ekitaldiak antolatzea eta egitea.
- Aparteko kirol ekitaldietara joatea.
- Oinarriko kirola sustatzea.
- Kirolarien joan-etorriak.

3. Gizarte eta kirol arloko inbertsioak eskuratzea:

Gizarte eta kultura arloko legez eraturako elkarte eta taldeek material ez suntsigarria eta/edo ekipamendua erostea.

4. Kanpo lankidetzako programak eta/edo jarduerak:

– Gatazka eremuetan edo garatze bidean dauden herrialdeetan bizi diren adingabeak aldi baterako hartzea.

- Lankidetzako garatze bidean dauden herrialdeekin.
- Garatze bidean dauden herrialdeetan, gizarte eta kultura arloan laguntzea.

Honako hauek ez dira diruz lagunduko:

- Herriko zaindariaren jaietako egitarauan diruz laguntzen diren berariazko jarduerak.
- Otordu gastuak, laguntzaile boluntarioei esker onez emandakoak izan ezik, jarduerak gauzatzeko gastutzat hartzen baitira, bai eta jardueraren zati direnak eta/edo toki erakundeak berariaz onartuak ere.

– Elkartearen barne funtzionamenduaren eta kudeaketaren gastu materialak, ez eta beren jardueren zabalkundea egiteko publizitatearenak ere. Ezta elkartearen web orria mantentzekoak ere, salbu eta toki erakundeak berariaz onartzen baditu.

- Udalak eskaintzen dituenen pareko proiektuak, udalaren esku hartzearen osagarri ez badira.
- Klubari edo elkarteari ezarritako zehapenen ondoriozko federazio gastuak.

2. artikulua. Pertsona eta erakunde onuradunak

1. Pertsona eta entitate hauek izan daitezke dirulaguntzen onuradun:

1, 2 eta 3 laguntza lerroak:

1. Irabazteko xederik gabeko elkarteak eta kirol klubak, ekainaren 22ko 7/2007 Legean, Eus-kadiko elkarteean, edo kasuan kasuko araudian ezarritakoaren arabera behar bezala erregistratuta daudenak eta hauen artean daudenak:

a) Programak edo jarduerak egiten dituzten elkarteak eta kirol klubak, baldin eta egoitza eta jardun eremua Asparreneko udalerrian baino ez badute.

b) Egoitza udalerrian ez duten elkarteak eta kirol klubak, udalerrian edo udalergi inguruan gizarte, kultura, musika, hezkuntza edo ingurumen programei ekiten dietenak, bai udalerrian bazkide kopuru nabarmena dutelako, bai jardueran udalerriko lagun askok parte hartzen dutelako.

2. Udalerrian erroldatutako pertsona fisikoak, dirulaguntza ematea zilegi egiten duten jarduerak egiten dituztenak.

4 laguntza lerroa:

a) Udalerrian kokatuta egon ez arren, aurreko ekitaldietan programak garatzeagatik udalerriarekin nolabaiteko lotura duten edo udalerrian erroldatutako bazkideak dituzten elkarteak, baldin eta garapenerako lankidetzako programak egiten badituzte ikuspegia zeinahi dela ere: hezkuntza, osasuna, gizartea, ekonomia, kultura eta abar.

2. Hauek ez dira onuradun izango:

Dirulaguntzen azaroaren 17ko 38/2003 Lege Orokorrak 13.2 eta 13.3 artikuluetan jasotzen dituen egoeretakoa batean daudenak.

3. artikulua. Aurrekontuko zuzkidura

Hau da 2023rako aurrekontu zuzkidura:

a) Dirulaguntzak Asparreneko udalerrian gizarte eta kultura, hezkuntza, musika eta ingurumen programak eta jarduerak egiteko: 5.785,50 euro, 170.481.001, 231.481.001 eta 3343.481.001 aurrekontu partidei dagozkienak.

b) Dirulaguntzak Asparreneko udalerrian kirol programak eta jarduerak egiteko: 2.731,05 euro, 341.481.001 aurrekontu partidari dagozkionak.

c) Dirulaguntzak kanpo lankidetzako, adingabeak hartzeko eta garapen bidean dauden herrialdeekiko lankidetzako programak egiteko: 7.867,12 euro, 231.490.001 aurrekontu partidari dagozkionak.

d) Dirulaguntzak Asparreneko udalerrian egoitza duten elkarteek inbertsio eta/edo ekipamendu soziokulturalak erosteko: 546,21 euro, 334.782.002 aurrekontu partidari dagozkionak.

Dirulaguntzak borondatezkoak dira, eta alde zuzenetik jaso izanak ez du berriro jasotzeko eskubiderik sortzen.

Udalaren dirulaguntzak bateragarriak dira eskatzaileek eskura ditzaketan beste batzuekin; dena dela, udalaren dirulaguntzaren zenbatekoak, beste erakunde batzuen beste laguntza batzuekin batera zein bakarrik, ezin izango du gainditu egindako jardueraren defizita.

Ezin izango dute deialdi honetan parte hartu Asparreneko Udalaren 2023ko udal gastu aurrekontuan izendun partiden bidez diruz lagundu daitezkeen elkarten programek.

4. artikulua. Dirulaguntzen zenbatekoa eta haiek emateko irizpideak

a) Zenbatekoak.

Zenbatekoak zehaztuko dira artikulua honetan xedatzen diren diruz laguntzeko moduko jardueretarako ezarritako mugen arabera, betiere kontuan izanik, programetarako laguntzei dagokienez, ez dela diruz lagunduko onartutako aurrekontuaren ehuneko 75 baino gehiago edo instrukzio organoak behar bezala justifikatutako defizitaren ehuneko 90 baino gehiago, eta inoiz ezingo dela dirulaguntza gisa eman elkarteak bere jarduerara guztietarako duen urteko defizita baino gehiago.

Jardueraren zenbatekoa ezartzeko, lehenik oinarritzko tarte deituko dugun batean egingo da, eta gehieneko ehuneko aplikatuko da bakoitzerako dagoen partidaren arabera, nahiz eta ezingo duen izan aurreko idatz zatian ezarritakoa baino handiagoa. Edonola ere, beti egon beharko du, gutxienez, partiden guztirakoaren ehuneko 10eko gehienekoa arte irizpide espezifikoak aurkeztutako proiektuetako bakoitzari berariaz aplikatzeko.

Kasu guztietan, baldin eskaeren kopurua eta eskatutako dirulaguntzen zenbatekoa direla-eta dirulaguntzen gehieneko ehunekoak murriztu behar badira aurrekontuan ezarritako partidara doitzeko, murrizketa proportzioan ezarriko zaie jarduera guztiei. Txikitze hori oinarritzko tarte deiturikoan egingo da.

Jarduera lerroetakoren batean zuzkidura agortuko ez balitz nahiz eskaerarik aurkeztu ez delako nahiz bete beharreko baldintzak betetzen ez direlako, soberan geratu den kopurua besteren bati gehitu ahal izango zaio, oinarri hauetako 7. artikuluan xedatzen den instrukzio organoak egiten duen proposamenaren arabera.

1. Gizarte eta kultura, hezkuntza, musika eta ingurumena sustatzeko programak eta/edo jarduerak:

Atal honetako ekimen guztietan: gehienez ere kostu lagungarriaren ehuneko 75.

Gurasoen elkarten kasuan, denbora esparrua "ikasturte" deiturikoa bada, hau da, "aurreko ekitaldiko irailetik urteko ekaina arte, dagokion dirulaguntza justifikatzeko tarte" onartu liteke, aurrez aipaturiko elkarteek hala eskatuz gero, dagokien dirulaguntzaren konturako aurrerakin bat ematea, muga izango duelarik aurreko urteko dirulaguntzaren zenbatekoaren ehuneko 50 eta konpromisoa hartzen dutelarik deialdian, dagokion garaian, eskaera egiteko.

2. Kirola sustatzeko programak eta/edo jarduerak:

– Kirol jardueretarako programetarako laguntzak: gehienez ere, kostu lagungarriaren ehuneko 50, federazio gastuetarako (lizentziak...). Salbuespenez, haurren kirolaren kasuan, kostu lagungarriaren ehuneko 100 hartuko da kontuan atal honetan.

– Gainerako kirol programa eta jardueretan, eta jarduerak berak sortutako gastuengatik: gehienez ere kostu lagungarriaren ehuneko 75.

– Buruz buruko kirolak direla eta, profesionala ez bada, 500,00 euro izango da gehieneko dirulaguntza.

Kirol elkarten kasuan, denbora esparrua "denboraldia" deiturikoa bada, hau da, "aurreko ekitaldiko irailetik urteko ekaina arte, dagokion dirulaguntza justifikatzeko tarte" onartu liteke, aurrez aipaturiko kirol elkarteek hala eskatuz gero, dagokien dirulaguntzaren konturako aurrerakin bat ematea, muga izango duelarik aurreko urteko dirulaguntzaren zenbatekoaren ehuneko 50 eta konpromisoa hartzen dutelarik deialdian, dagokion garaian, eskaera egiteko.

3. Gizarte eta kirol arloko inbertsioak eskuratzea.

– Inbertsioak edo ekipamendua erosteko programetarako laguntzak: gehienez ere kostu lagungarriaren ehuneko 75.

4. Kanpo lankidetzako programak eta/edo jarduerak:

– Garatze bidean dauden herrialdeei laguntzeko programak: Gehienez, diruz lagundu daitekeen zenbatekoaren ehuneko 75.

– Laguntzak adingabeen harrera edo aldi baterako egonaldi programetarako: gehienez, garraiatzeko gastuen ehuneko 100, muga 700,00 euro dela.

b) Emateko irizpideak.

Dirulaguntzak emateko eta haien zenbatekoak zehazteko irizpide orokor hauek baliatuko dira:

– Lehenetsuna izango dute udalerrian bertan egiten diren jarduerak, baldin eta gure idiosinkrasia soziokulturalaren berezitasunak berreskuratzea edo gordetzea badakarte: Gehienez 10 puntu.

– Kultura, ingurunea eta euskararen erabileraren normalizazioa zabaltzen laguntzen dutenak; hortaz, lehenetsuna izango dute euskara komunikazio hizkuntza modura erabiltzen duten programak eta jarduerak. Gehienez 10 puntu.

– Zeharka edo helburu nagusi gisa emakumeen eta gizonen arteko berdintasunarekin eta indarkeria matxistarekin lotutako alderdiak biltzen dituztenak. Gehienez 10 puntu.

– Aplikazio esparrua: jarduerari atxikitako edo haren mesede hartzen duten udalerriko herri kopurua eta eraginpeko pertsona kopurua. Gehienez 10 puntu.

– Bereziki udalerriko kolektibo batzuek parte hartzea helburu duten programak eta/edo jarduerak. Esaterako, adinekoak, haurrak, beste kultura batzuetako pertsonak, gizartetik baztertua geratzeko arriskua duten pertsonak, beti ere genero ikuspegia jasota. Gehienez 10 puntu.

Aipatutako irizpide orokorrez gainera, berariazko irizpide bat finkatzen da, irabazteko xederik gabeko kirol elkarte edo klubei laguntzak emateko edo ez emateko aplikatuko dena; hauxe:

– Egoitza eta eremua udalerrian bakarrik duten kirol elkarte edo klubek egiten dituzten kirol jarduerak edo programek bermatu egin beharko dute, dirulaguntza jaso nahi badute, dirulaguntza gai den jardueran federatutako partaideen ehuneko 50 baino gehiago Asparreneko udalerrian errolatuta daudela.

Beste alde batetik, hizkuntza irizpideei dagokienez, Asparreneko Udalaren Euskara Planean jasotakoei, baldintza hauek bete beharko dituzte:

1. Klubak edo elkarteak ele bietan egingo du jardueraren (kartelak, liburuxkak, eskutitzak...) eskaintza.

2. Klubak edo elkarteak euskara eta gaztelania biak erabiliko ditu garatuko dituen ekimen eta jardueretan: aurkezpenak, megafonia...

3. Ume eta gazteentzako jardueretan lehentasuna emango zaio euskaraz egiten den jarduerari, salbuespena jarduera hori euskaraz ezin egitea.

4. Dirulaguntza eskatzean, klubak edo elkarteak jakinaraziko dizkio udalari zer jarduera antolatu nahi duen eta zer hizkuntzatan izango den. Eta dirulaguntza zuritzean, hauek jakinaraziko ditu: zer jarduera antolatu duen eta zer hizkuntzatan egin dituen. Horretarako, udalak egindako plantilla erabiliko du.

5. Dirulaguntza jasotzen duen elkarte edo klubak udalak hizkuntza normalizatzeko abian jartzen dituen ekimenetan parte hartuko du.

Euskara sustatzeko ardura duen dinamizatzaileak/teknikariak egingo du helburu horien jarraipena.

5. artikulua. Aurkeztu beharreko agiriak

Eskatzaileek ondoren zerrendatzen diren agiriak aurkeztu behar dituzte:

– Eskatera ofiziala.

– Eskatzailearen NAN/AIZa eta elkartearen idazkariaren ziurtagiria, egiaztatzen duena eskatzailearen ordezkatzeko ahalmena, aurkeztutako datu guztiak egia direla eta elkartearen IFZ. (Nola eta eskatzailea ez den aurreko deialdiko pertsona bera).

– Elkartearen erabakia dirulaguntza eskatzuz; udal bulegoetan eskura daiteke ereduaren araberakoa.

– Estatutuen eta elkarte edo erakundearen dagokion erregistroan legez eraturik eta inskribaturik dagoela egiaztatzen duten agirien kopia, baldin eta lehenengoz eskatu badute laguntza, edo, udal erregistroan egon arren, estatutuak aldatu badituzte.

– Eskatzailea Gizarte Segurantzako betebeharraren eta zerga betebeharraren egunean dagoela adierazten duen ziurtagiria. Halakorik ez, zerga betebeharraren egunean dagoela adierazten duen zinpeko adierazpena aurkeztu behar da. Udal bulegoetan eskura daiteke eredu. Beharrezko iritziz gero, ziurtagiri horiek eskatu ahal izango zaizkio eskatzaileari.

– Egindako proiektuaren azalpen memoria, zeinak honako hauek jaso beharko baititu: parte hartzearen indizeak, lortutako emaitzen balorazioa, jardueraren izaera inklusiboa eta kideek bazterketarik gabe parte hartu dutela, bereziki haurren jardueretan.

– Elkartearen gastu eta diru sarreraren balantze orokorra.

– Jatorrizko fakturak edo fotokopia konpultsatuak edo udal ordenantzan jasotako agiriak.

– Fakturek betekizun hauek bete behar dituzte:

– Fakturen datak diruz lagundutako aldikoak izatea.

– Faktura egilearen eta hartzailearen izena edo sozietatearen izena eta NANA edo IFZ agertu behar da.

– Hornitzailearen zigilua edo sinadura izan behar ditu.

– Fakturaren kontzeptua agertu behar da.

– Prezioa (BEZa barne dagoen ala ez zehaztuta) eta PFEZaren atxikipena, agertu behar dira, hala badagokio.

– Langile gastuak badaude edo elkarteak PFEZaren atxikipena duten fakturak aurkezten baditu, egiaztatu beharko du atxikipenak ordaindu dizkiola Foru Aldundiari, 190 ereduaren kopia bidaliz.

– Zinpeko adierazpena: xede bererako beste administrazio, erakunde edo entitate publikoren baten dirulaguntzarik edo laguntzarik eskatu edo jaso den ala ez adierazten duena. Beste dirulaguntzaren bat jaso bada, zenbatekoa adierazi beharko da, baita zein administrazio eman duen ere; halaber, datuak benetakoak diren egiaztatzeko agiria aurkeztu beharko da. Udal bulegoetan eskura daiteke eredia.

– Banketxeak emandako ziurtagiria, kontu zenbakia eta titularra jakinarazten dituen, elkar-tearen izenean, nola eta udalean aurrez jasota ez dagoen.

– Asparreneko Udalaren laguntza dela-eta egindako publizitatearen frogagiria.

– Asparreneko Udalarekiko zerga betebeharrak egunean direla egiaztatzen duen agiria (Udalak emango du).

6. artikulua. Eskaerak aurkezteko epea:

Programa eta jarduerentzat, aurkezteko epea hamabost egun baliodunekoa izango da, deialdi hau ALHAOn argitaratzen den egunetik aurrera; inolako eskaerarik ez da izapidetuko epe horretatik kanpo.

Agiriak Asparreneko Udalaren sarrera erregistro orokorrean aurkeztu behar dira, edo legez onartuta edozein bide erabiliz.

Eskaerak baldintza guztiak betetzen ez baditu, pertsona edo erakunde interesdunari eskatuko zaio zuzen dezala, 10 egun balioduneko epean, bat etorri Administrazio Publikoen Administrazio Prozedura Erkidearen urriaren 1eko 39/2015 Legeak 68.1 artikuluan xedatutakoarekin.

7. artikulua. Emateko eta ebazteko prozedura

Instrukzio organoaren buru arlo bakoitzeko zinegotzi ordezkaria izango da, eta kidea Asparreneko Udalean arlo horretan lan egiten duen teknikaria, zeinek ofizioz egingo baitituzte ebazpen proposamena idazteko beharrezko jotzen diren zehazte, ezagutze eta egiaztatze jardura guztiak.

Zerbitzu teknikoek, aurkezten diren eskaerak azterturik eta egokituz jotzen dituzten kasuetan, hitzordua jarriko diete elkarte eskatzaileei aurkeztutako programen gaineko azalpenak eman eta argitu ditzaten ezarritako irizpideak aplikatuz eskaerak balioestean sortu daitezkeen zalantzak, bai eta aurkeztutako jardura eta programen gainean sortzen direnak ere.

Zerbitzu teknikoek, behin proiektu eskatzaileetako bakoitzaren azalpena entzunda, txosten bat egingo dute, deialdian finkatutako irizpideak oinarri hartuta, ebaluazioaren emaitza eta, hala badagokio, haien arteko lehentasuna zehaztuz.

Behin-behineko ebazpen proposamen egingo du organo izapidegileak, behar bezala arrazoitua, espedientea eta zerbitzu teknikoaren txostena ikusi ondoren.

Organo eskudunak, instrukzio organoak proposatuta, eman beharreko ebazpena emango du, hiru hilabeteko epean gehienez ere, deialdia ALHAOn argitaratzen denetik aurrera. Epe horretan esanbidezko ebazpenik ematen ez bada, esan nahiko du eskaera ezetsi egin dela.

Ebazpenean, baiezkoa bada, datu hauek agertuko dira: dirulaguntzaren zenbatekoa, ordaintzeko modua, eragindako programa edo jarduera, aurkeztu beharreko agiriak eta zein baldintzatan ematen den.

Dirulaguntza eman edo ezesteko ebazpena indarrean dagoen legerian xedatutakoaren arabera jakinaraziko zaie eskatzaileei.

Ebazpenak amaiera emango dio administrazio bideari eta haren aurka administrazioarekiko auzi errekurtsua aurkeztu ahal izango da Gasteizko administrazioarekiko auzien epaitegi nagusietan, bat etorritik uztailaren 13ko 29/1998 Legeak, administrazioarekiko auzien jurisdikzioa arautzen duenak, 8. artikuluan xedatutakoarekin, jakinarazi eta bi hilabeteko epean.

Zuzenean aurkatu ezean, berraztertzeko errekurtsua aurkeztu ahal izango zaio ebazpena eman duen organoari, hilabeteko epean, bat etorritik urriaren 1eko 39/2015 Legeak, administrazio publikoen administrazio prozedura erkidearenak, 123. eta 124. artikuluetan xedatutakoarekin.

Bat etorritik Dirulaguntzen azaroaren 17ko 38/2003 Lege Orokorrek xedatutakoarekin, emandako dirulaguntzak udalaren iragarki taulan eta web orrian argitaratuko dira, guztiek horren berri izan dezaten.

8. artikulua. Onuradunen betebeharrak

– 2023ko abenduaren 15a baino lehen justifikatzea, hala badagokio, dirulaguntza ematen duen organoaren aurrean baldintzak eta betekizunak betetzen direla, bai eta dirulaguntza emateko oinarrian izan den jarduera egin dela eta helburua bete dela ere.

– Dirulaguntza ematen duen organoak egiten dituen egiaztapen jarduketa guztiak onartzea, bai eta kontrol organo eskudunek, estatukoek zein erkidegokoek, finantzak kontrolatzeko eta egiaztatzeko egiten dituztenak ere, eskatzen zaien informazio eta agiri guztiak emanez, Herri Kontuen Euskal Epaitegiak eskatutakoak barne.

– Laguntza ematen duen organoari jakinaraztea diruz lagundutako jarduerak finantzatzeko beste dirulaguntza, laguntza, diru sarrera edo baliabide batzuk lortu izana.

– Egiaztatzea bete direla zerga betebeharrak eta Gizarte Segurantzarekikoak.

– Pertsona juridikoa izanez gero, kontabilitate liburuak, egindako erregistroak eta merkataritzako gainerako agiriak behar bezala auditatuta edukitzea, kasu bakoitzean onuradunari aplikatzekoa den merkataritzako eta sektoreko legerian ezarritakoaren arabera.

– Jasotako funtsen aplikazioaren egiaztagiria gordetzea, agiri elektronikoak barne, egiaztapen eta kontrol jarduketan xede izan baitaitezke.

– Jardueraren publizitatea egitean hau jarri behar da: "Asparreneko Udalaren laguntzarekin/ con la colaboración del Ayuntamiento de Asparrena"; bai eta udalaren armarrria ere.

– Dirulaguntza ordaintzeko, ezinbestekoa izango da Asparreneko Udalak izapidean jarritako itzulketa edo zehapen prozesu oro bukatuta izatea.

9. artikulua. Dirulaguntzak ordaintzea

Behin pertsona edo erakunde interesatuei jakinarazita behin betiko ebazpen proposamena, hogeita hamar eguneko epean ordainduko da lagundutako zenbatekoaren ehuneko 80. Gainerakoa, dirulaguntzaren egiaztagiria aurkeztu ondoren.

Onuradunek oinarri hauetan jasotako betebeharrak eta zehaztapenak ez betetzeak dirulaguntza baliogabetzea ekar dezake, eta emandako dirulaguntza itzultzeko prozedura aplikatuko da, Asparreneko Udalaren dirulaguntzen ordenantzan araututakoaren arabera.

10. artikulua. Araudi aplikagarria

Oinarri hauetan jaso ez denerako, hauek aplikatuko dira: Administrazio Publikoen Administrazio Prozedura Erkidearen urriaren 1eko 39/2015 Legea, Dirulaguntzen azaroaren 17ko 38/2003 Lege Orokorra, uztailaren 21eko 887/2006 Errege Dekretua, dirulaguntzen udal ordenantza eta aplikatze-koak diren gainerako arauak.

Deialdi honen aurka administrazioarekiko auzi errekurtsua aurkeztu ahal izango da zuzenean Gasteizko epaitegietan, bi hilabeteko epean, ALHAOn argitaratu eta hurrengo egunetik aurrera; bestela, aukeran, berraztertze errekurtsua erabakia hartu duen organoari berari, hilabeteko epean, ALHAOn argitaratu eta hurrengo egunetik aurrera.

11. artikulua. Datu pertsonalen babesa

Datu pertsonalak babesteari dagokionez, Asparreneko Udalak Datuak Babesteko Erregelamendu Orokorrean (EB 2016/679 Erregelamendua) eta Datu Pertsonalak Babesteko eta Eskubide Digitalak Bermatzeko 3/2018 Lege Organikoan xedatutakoaren arabera jardungo du. Bildutako datu pertsonalak Asparrenko Udalaren ardurapeko dirulaguntzen tratamendu jardueraren parte izango dira. Jarduera horren helburua da gizarte, kultura, lankidetzeta, hezkuntza, musika, kirol eta ingurumen arloetako dirulaguntzak eta udalaren eskumeneko inbertsioak kudeatzea eta kontrolatzea, iruzurra jazartzea eta estatistikak egitea. Bildutako datuak beharrezkoak dira udalari emandako botere publikoak baliatzeko eta legezko betebeharrak betetzeko, eta gai horretan eskumenak dituzten administrazio publikoei jakinarazi ahal izango zaizkie.

Datuak eskuratzeko, zuzentzeko, ezeztatzeko eta aurkatzeko eskubideak erabiltzeko Asparreneko Udalera jo behar da.

Era berean, deialdi honetara aurkezten diren pertsonak baimena ematen diote Asparreneko Udalari beste organismo publiko batzuetan egiazta ditzan aurkeztutako agirietan emandako datuak.

Araia, 2023ko urtarrilaren 18a

Alkatea

CONSUELO AUZMENDI JIMÉNEZ